

ოპოზიციური "ნაციონალური მოძრაობა" ძველ გენერალურ მდივანს იბრუნებს

დათო გაიხსონია

მე-8 მოწვევის პარლამენტში ფრაქციების ნაკლებობას არ უნდა ველოდოთ. ბარიერგადალახული ორივე სუბიექტი რამდენიმე ფრაქციით იქნება წარმოდგენილი. კოალიცია "ქართული ოცნება" 3-4 ფრაქციის ჩამოყალიბებას აპირებს. როგორც გუშინ გახდა ცნობილი, "ნაციონალური მოძრაობის" წევრებიც საკანონმდებლო ორგანოში, დაახლოებით, ამდენივე ფრაქციის ჩამოყალიბებენ, თუმცა ისინი საპარლამენტო უმცირესობის ფარგლებში ერთიან პოლიტიკურ გუნდად იმოქმედებენ.

გაზრდილია
მე-3 გვერდზე



ნატო-ს შემფასებელთა მისია, ავტურაის ჩამოსვლაზე

დათო გაიხსონია

18 ოქტომბერს საქართველოს კავკასიასა და ცენტრალურ აზიაში ნატო-ს გენერალური მდივნის სპეციალური წარმომადგენელი ჯეიმს აპატურაი ეწვევა. მასთან მოქმედი და მომავალი ხელისუფლების წარმომადგენლები ნატო-ში საქართველოს ინტეგრაციის საკითხებზე პოლიტიკურ კონსულტაციებს გამართავენ.

ავტურაის ვიზიტს წინ უძღოდა ნატო-ს წლიური

ეროვნული პროგრამის ფარგლებში დაგეგმილი სამუშაო შეხვედრები. ალიანსის შემფასებელთა მისია პროგრამით განსაზღვრული რეფორმების განხორციელებაში ჩართული უწყებების წარმომადგენლებს მთავრობის კანცელარიაში ხვდებოდა. მაკოორდინებელ ფუნქციას ევროპულ და ევროატლანტიკურ სტრუქტურებში ინტეგრაციის საკითხებში სახელმწიფო მინისტრის აპარატი ასრულებდა.

გაზრდილია
მე-2 გვერდზე

საფრთხე მოგახუთათვის და ნახუთათვის

"არჩევნები საქართველოსთვის მნიშვნელოვანი გამოცდა იყო და ის ქვეყანამ თითქმის წარმატებით ჩააბარა," - განაცხადა საქართველოში ევროკავშირის ელჩმა ფილიპ დიმიტროვმა სასტუმრო "ქორთიარდ მარიოტში" "ალმოსავლეთ პარტნიორობის სამოქალაქო საზოგადოების ფორუმის - საქართველოს ეროვნული პლატფორმის" მიერ გამართულ კონფერენციაზე.

ევროკავშირის მხარდაჭერით გამართულ კონფერენციას, რომლის მთავარი თემაც "საპარლამენტო არჩევნების შემდგომი პოლიტიკური პროცესები და სამომავლო პერსპექტივები" იყო, საპარლამენტო პოლიტიკური პარტიების, საერთაშორისო ორგანიზაციებისა და დიპლომატიური კორპუსის წარმომადგენლები ესწრებოდნენ.

"საქართველოსადმი ევროკავშირის დამოკიდებუ-

ლება ყოველთვის იყო და იქნება ძალზედ სერიოზული. მეტიც, ჩვენი მოთხოვნებიც იყო ძალზედ სერიოზული და ეს ნიშნული უფრო მაღალია ახლაც, რადგან საქართველოს შეუძლია, კიდევ უფრო მეტი იმუშაოს, რათა მიუახლოვდეს ევროატლანტიკურ სტრუქტურებში ინტეგრაციას," - განაცხადა საქართველოში ევროკავშირის ელჩმა ფილიპ დიმიტროვმა.

ამასთან, ელჩის განმარ-

ტებით, ძალაშია ის სიგნალები, რომ თუკი საქართველო დემოკრატიული მიმართულებით სვლას განაგრძობს, ამით ის ევროკავშირში ინტეგრაციის გზაზე პროგრესს მიაღწევს. რაც შეეხება თავისუფალი ვაჭრობისა და ასოცირების ხელშეკრულებებზე მოლაპარაკებებს, ელჩის თქმით, ეს მხოლოდ სიტყვები არ არის და ამის რეალიზაცია ხდება.

ფილიპ დიმიტროვის თქმით, საქართველოს მიმართ თითქმის ჩამოყალიბებულია ახალი სქემა, რომელიც 2014-დან 2020 წლამდე ურთიერთობის გეგმას მოიცავს.

გაზრდილია
მე-2 გვერდზე

ბელგიის მენიციპალურ არჩევნებში ფლამანდიელმა ნაციონალისტებმა გაიმარჯვეს

ხათუნა ბაბიევი

ბელგიის ადგილობრივ არჩევნებში დამაჯერებელი გამარჯვება მოიპოვეს ფლამანდიელმა ნაციონალისტებმა, მაგრამ ტრიუმფის უმთავრესი ადგილი მაინც ანტვერპენია, რომელიც ქვეყნის რიგით მეორე ეკონომიკური ცენტრია. ანტვერპენში "ახალმა ფლამანდიურმა ალიანსმა" ხმათა 38 პროცენტი მოიპოვა, მისი სეპარატისტი ლიდერი ბარტ დე ვევერი კი ქალაქის მერი ხდება.

გაზრდილია
მე-5 გვერდზე



1 აშშ დოლარი	1.6633*
1 ევრო	2.1571*
1 ინგლისური გირვანკა	2.8716*
1 თურქული ლირა	0.9206*
100 რუსული რუბლი	5.3700*
თბილისი	24°C - 13°C
ქუთაისი	29°C - 17°C
თელავი	24°C - 10°C
ზუგდიდი	28°C - 13°C
ბათუმი	27°C - 16°C
ნავთობი	3.19 -0.03 -1.00%
გაზი	3.49 -0.12 -3.35%
ოქრო	1,735.40 -24.30 -1.40%
ხორბალი	846.75 -10.00 -1.18%

"24 საათის" ელექტრონული ვერსია იხილეთ Web-გვერდზე www.24saati.ge ჩვენი პარტნიორები:



ISSN 1987 9121



ზაზა ფაჩულიას MISSION COMPLETE

ზურაბ თალაქვაძე

ზაზა ფაჩულია დაბრუნდა. რეგულარულის დაწყებამდე გუნდებმა ტესტების სერია გახსნეს. ზაზა ჯერ ისვენებდა. "ჰოქსმა" პირველი ორი გარჩევა ჩვენი კაცის გარეშე გახსნა. ზაზა

ახალ პერსონაჟებს აკვირდებოდა, თვალს აჩვენებდა. სადისტიური სეზონის შემდეგ დაღლილი, აწყობილი სხეულით აზრზე მოდიხარ, ძველ დატვირთვებს ეჩვევი. ფაჩულია "ატლანტაში" ძველი ბიჭია.

გაზრდილია
მე-7 გვერდზე



თბილისის ჯაზფესტივალი იუბილარია

ნლევანდელი ფესტივალის პროგრამა ყველაზე ვარსკვლავურია

ია ვეკუა

რამდენიმე წლის წინ ბერლინის მუსიკალურ აკადემიაში სტუმრობისას, როდესაც გაიგეს, რომ თბილისიდან ვიყავი, ჯაზის ფაკულტეტის პროფესორებმა ხაზგასმით აღნიშნეს, რომ თბილისის ჯაზფესტივალი ალმოსავლეთ ევროპაში საუკეთესო იყო და მომავალში აუცილებლად დაიმკვიდრებდა ადგილს მსოფლიოს წამყვან ჯაზფესტივალთა შორის. ასეც ხდება - ფესტივალი, რომელსაც 30 წელზე მეტი ხნის ისტორია აქვს, წელს კი მეთუთმეტედ ტარდება, რეალურად წარმომადგენს ჩვენი ქვეყნის სავიზიტო ბარათს, რომლის წყალობითაც ჩვენს ჯაზის მოყვარულებს მსოფლიოს საუკეთესო მუსიკოსთა მოსმენის საშუალება ეძლევათ.

გაზრდილია
მე-4 გვერდზე



დი დი ბრიჭუოთერი

თბილისის ჯაზფესტივალის იუბილარია

პირველი გვირგვინი

დღეს ცოტა ძნელი დასაჯერებელია, რომ შორეულ 1978 წელს, საბჭოთა პერიოდის თბილისში ჯაზფესტივალის ჩატარება, რომელიც მთელი ქვეყნის სხვადასხვა ქალაქიდან ჩამოსული 23 ბენდი მონაწილეობდა. საკავშირო მასშტაბის, თუმცა უფრო მრავალფეროვანი და დახვეწილი იყო 1986 წლის ფესტივალი, ხოლო სამი წლის შემდგომ ჩატარებულმა ჯაზფესტივალმა ყველანაირ მოლოდინს გადააჭარბა - ჯერ კიდევ საბჭოთა საქართველოში ამერიკელი და ევროპელი მუსიკოსები ჩამოვიდნენ, მათ შორის ფრედი ჰაბარდი, ჯიმი სმიტი, ლუთერ ელისონი, არტ ბლეიკი და სხვები. სამწუხაროდ, იმ დროინდელი პოლიტიკური ვითარების გამო თბილისის ჯაზფესტივალის ტრადიციად ვერ იქცა, თუმცა მხოლოდ დროებით - 2000 წელს კომპანია "ისტერნ პრომოუშენმა" თავიდან ამოქოქა ჯაზმანქანა და მას შემდეგ ფესტივალის ყოველწლიურად, გრანდიოზული მასშტაბითა და მსოფლიო ვარსკვლავების კამპაინის ფონზე ტარდება.

ფესტივალის ისტორიისა და მისი აფიშისთვის თვალის ერთი გადავლევაც საკმარისია იმაში დასარწმუნებლად, თუ რა როლს ასრულებს ის მსოფლიოს კულტურულ ცხოვრებაში საქართველოს ჩართვის პროცესში, რომ არაფერი ვთქვათ ჩვენი საზოგადოების ჯაზის მიმართულებით გემოვნების განვითარებაზე. უკანასკნელი 12 წლის განმავლობაში ვნახეთ და მოვუხმინეთ ბობ მინცერს, ელ ჯეროს, დენის როლინზს, მარკუს მილერს, პი ვი ელისს, ერიკა ბადუს, ჰერბი ჰენკოკს, ჯგუფ "ჯემიროქუაის", ჯო კოკერს, ჯონ მაკლაფლინს, კრის ბოტის, ბობი მაკფერისს, მაიკლ ფრენკსს, ჯორჯ ბენსონს, რენდი ბრეკერს, ჯონ სკოვილდს, კურტ ელინგს, ჯგუფს Kool & The Gang, მაკოი ტაინერს, დაიან რივზს, რაშელ ფერელს, ჯგუფს Blues Brothers-ს, სონი ემორის, ლარი კორიელსა და უამრავ სხვას. ამას ემატება ბათუმის ჯაზფესტივალისა და ჯაზსერვის სტუმრების ნუსხა, თუმცა ეს სულ სხვა ისტორიაა...

თავისი ვარსკვლავები ეყოლება თბილისის მე-15 ჯაზფესტივალსაც, რომელიც როგორც საიუბილეო, ყველასგან გამოჩეული, აკადემიური და სუფთა ჯაზურია. ფესტივალის 20 ნოემბერს გაიხსნება და 25 ნოემბრამდე ოთხ საფესტივალო დღეს გააერთიანებს.

პირველი კონცერტის ვარსკვლავი მომღერალი დიდი ბრიჯუოთერია, რომელიც თანამედროვეობის ერთ-ერთ საუკეთესო ჯაზმემსრულებლად მიიჩნევა. შარშანწინდელი ჯაზფესტივალის სტუმრებს უთუოდ ახსოვთ ორი შესანიშნავი ვოკალისტი ქალბატონის კონცერტი - დაიან რივზისა და რაშელ ფერელის ფანტასტიკური პერფორმანსი, რომლის ხასიათსაც ამჯერად დიდი ბრიჯუოთერი გააგრძელებს. ოთხი "გრემისა" და "ტონის" მფლობელი ბრიჯუოთერი ჯაზმუსიკოსის ოჯახში დენის გარეცხის სახელით დაიბადა. ის მოზარდობის ასაკიდან მღერის, ახალგაზრდობაში კი ჯგუფ Goodrich-ის შემადგენლობაში გამოდიოდა, რომელთან ერთადვე საბჭოთა კავშირშიც იმოგზაურა. 80-იანი წლებიდან სოლო კარიერა დაიწყო, პერიოდულად კი მიუზიკლებშიც მონაწილეობდა. სულ მალე ევროპისა და ამერიკის ერთ-ერთი საუკეთესო ვოკალისტის ტიტული დაიმსახურა, რასაც მალე მოჰყვა თანამშრომლობა რეი ჩარლზთან, რომელთანაც კომპოზიცია Precious Thing ჩაწერა (მოგვიანებით ეს სიმღერა დიდი ბრიჯუოთერის ალბომ Victim of Love-ში შევიდა). ბოლო "გრემი" დიდი ბრიჯუოთერმა 2010 წელს მიიღო ალბომისთვის Eleanora Fagan (1915—1959): To Billie with Love from Dee Dee



ჩიკ კორეა

Bridgewater. აღნიშნული ჩანაწერი ლეგენდარულ ბილი ჰოლიდის ეძღვნება (ამ მომღერლის ნამდვილი სახელი სწორედ ელენორა ფაგანი გახლდათ).

დიდი ბრიჯუოთერი თბილისში თავის ბენდთან ერთად ჩამოვიდა, რომლის შემადგენლობაშიც შედიან პიანისტი ედსელ გომესი, ბასისტი კენეტ დევისი, დრამერი კენი ფელპსი და საქსოფონისტი კრეიგ ჰენდი. ცხადია, ბენდთან ერთად ჩამოვიდა 23 ნოემბრის გმირი ჯეკ დეჯონეტიც - თანამედროვე ჯაზის ერთ-ერთ საუკეთესო დრამერად აღიარებული მუსიკოსი, რომელიც "ნიუ იორკ თაიმსმა" უკანასკნელი 40 წლის ნამყვან ჯაზმუსიკოსთა სიაში შეიყვანა. დრამერის კონცერტი ქართველმა მსმენელმა შარშან უკვე მოისმინა - სონი ემორის დრამის რიტმები ზოგს ალბათ ახლაც ჩაესმის, ამრიგად ჯეკ დეჯონეტის კონცერტისთვის შესანიშნავი ბეგრანდი არსებობს. დეჯონეტისა და მისი ბენდის კონცერტი ივენთ ჰოლში გაიმართება. აქვეა დაგეგმილი 24 ნოემბრის კონცერტიც, რომელზეც შვედი ტრომპონისტის, ნილს ლანდგრენის Funk Unit-ის ჯაზხელოვნებას მოვუხმენთ. ლანდგრენს საკმაოდ საინტერესო მუსიკალური ბიოგრაფია აქვს, უთანამშრომლია ვაიკლივ ჯინთან, ჰერბი ჰენკოკთან, ედი ჰარისთან, The Crusaders-თან, ABBA-სთან და სხვა შემსრულებლებთან. ნილს ლანდგრენის შემოქმედების უდიდეს ნაწილს ფანკი იკავებს, ხოლო ჯგუფი Funk Unit 1995 წლიდან არსებობს.

ტრადიციულად თბილისის ჯაზფესტივალს გამორჩეული კონცერტი დახურავს და ამ საღამოს ჩიკ კორეას სახელი ერქმევა. ჯაზის ლეგენდა თბილისში ბასისტ კრისტინა მაკბრაიდთან და დრამერ ბრაიან ბლეიდთან ერთად ჩამოვიდა და სწორედ მათთან ერთად აპირებს ქართველის მსმენელის კიდევ ერთხელ აღფრთოვანებას. ჩიკ კორეას კი ჩვენი ჯაზმოყვარულები კარგად იცნობენ - ალბათ გახსოვთ 2006 წელს ოპერისა და ბანკეტის თეატრში ჩატარებული კონცერტი, რომელზეც ჩიკ კორეა ვიბროფონისტ გარი ბარტონთან ერთად წარსდგა და ჭეშმარიტად მუსიკალური სასწაული მოახდინა. იგივე გველის ამჯერადაც - ჩიკ კორეა ნამდვილად დახურავს!

ასევე ტრადიციულია ისიც, რომ თბილისის ჯაზფესტივალს თბილისის სტატუსი წარმოადგენს, ხოლო



ნილს ლანდგრენი



ჯეკ დეჯონეტი

ელირება ბილეთი, თუმცა "ისტერნ პრომოუშენის" ინფორმაციით, ფასი 50-70 ლარის ფარგლებში იქნება. ასევე ზუსტდება ისიც, თუ კონკრე-

ტულად რომელი მუსიკოსი ჩაატარებს მასტერკლასს, რაც დამწყები ჯაზმუსიკოსებისთვის ნამდვილად კარგი საჩუქარი იქნება.



ილიას სახელმწიფო უნივერსიტეტი გთავაზობთ

მასწავლებელთა პროფესიული განვითარების საგანმანათლებლო პროგრამის შემდეგ მოდულუმს:

- აქტიური სწავლება მუნიციპალიტეტებში ზოგადსაგანმანათლებლო სკოლის მე-7 კლასში (ინტეგრირებული კურსი) (2 კრედიტი)
- აქტიური სწავლება მუნიციპალიტეტებში ზოგადსაგანმანათლებლო სკოლის დაწყებით საფეხურზე (2 კრედიტი)
- აქტიური სწავლება ფიზიკაში ზოგადსაგანმანათლებლო სკოლის საშაზო და საშუალო საფეხურზე (2 კრედიტი)
- აქტიური სწავლება ქიმიკაში ზოგადსაგანმანათლებლო სკოლის საშაზო და საშუალო საფეხურზე (2 კრედიტი)
- აქტიური სწავლება ბიოლოგიაში ზოგადსაგანმანათლებლო სკოლის საშაზო და საშუალო საფეხურზე (2 კრედიტი)

ტრენინგები ჩატარდება შამათ-კვირას, უახლესი სენსორული ტექნოლოგიებით აღჭურვილ SALIS-ის ლაბორატორიაში

მისამართი: გიორგი წერეთლის 1, კორპუსი G (ყოფილი ენციკლოპედიის შენობა) დამატებითი ინფორმაციისათვის დაწვევით:

593 59 59 82, 577 41 52 42



ლიტვანი მემარცხენე ოპოზიციამ გაიმარჯვა

ლიტვის საპარლამენტო არჩევნებში ხმის უფლების მქონე მოქალაქეთა უმრავლესობამ ხმა მმართველი კონსერვატიული პარტიის წინააღმდეგ მისცა. კონსერვატიულების რეიტინგის ვარდნა გამოიწვია ბიუჯეტის ხარჯების შემცირების პოლიტიკამ ღრმა რეცესიის ფონზე. ლიტვაში არსებული რეცესია მსოფლიოში ერთ-ერთი უარესი ვარიანტია.

წინასწარი შედეგებით, არჩევნებში ლიდერობს ორი მემარცხენე პოლიტიკური ძალა - შრომის პარტია და სოციალ-დემოკრატიული პარტია. ამ პარტიის წარმომადგენლები წინასწარჩვენოდაც მიანიშნებდნენ, რომ, არჩევნების შედეგებიდან გამომდინარე, შეიძლება, კოალიცია შექმნათ.

ანალიტიკოსები აცხადებენ, რომ ამომრჩევლებმა, რომლებმაც ხმა მისცეს არჩევნებზე მემარცხენე პარტიებს, ამით დასაჯეს ანდრიუს კუბილიუსის მთავრობა, რომელმაც მოსახლეობას შეუმცირა ხელფასები და პენსიები. კუბილიუსი ხელისუფლებაში 2008 წელს მოვიდა, როდესაც გლობალურმა ფინანსურმა კრიზისმა ლიტვის ეკონომიკურ ზრდას ბოლო მოუღო. ლიტვის ეკონომიკური აღმავლობა წინა წლებში კი სკანდინავიური ბანკებიდან გამოყოფილ იავ კრედიტებზე იყო დამოკიდებული.

დეფოლტის თავიდან ასაცილებლად ანდრიუს კუბილიუსი იძულებული გახდა, მკაცრი ეკონომიის ზომების მიმართ. წარმოების მოცულობა 15 პროცენტით შემცირდა, უმუშევრობის დონე გაიზარდა, ათასობით ახალგაზრდა იძულებული გახდა, დაეტოვებინა სამშობლო და სამუშაო უცხო ქვეყანაში ეძებნა. სახელმწიფო ბიუჯეტის დეფიციტი ნელ-ნელა კონტროლს დაუქვემდებარეს და შარშან მთლიანი შიდა პროდუქტი უკვე 5,8 პროცენტით გაიზარდა, რაც ერთ-ერთი ყველაზე მაღალი მაჩვენებელია ევროპაში. კონსერვატიული მთავრობის მიდგომამ კრიზისის აღმოსაფხვრელად უცხო ქვეყნების მთავრობებისა და საერთაშორისო სავალუტო ფონდის ქება დაიმსახურა, თუმცა, ანალიტიკოსების განცხადებით, ლიტვის მოქალაქეებმა ხელისუფლების ძალისხმევის შედეგები საკუთარ ჯიბეზე ჯერ ვერ იგრძნეს.

ოპოზიციურმა პარტიებმა, თავის მხრივ, პირობა დადეს, რომ მკაცრი ეკონომიის პოლიტიკას შეარბილებენ.

წინასწარი მონაცემებით (ამ მონაცემების გამოქვეყნებისას ხმები ბოლომდე არ იყო დათვლილი), შრომის პარტიას აქვს - 21,34 პროცენტი, ხოლო სოციალ-დემოკრატიულ პარტიას - 19,08 პროცენტი. პრემიერ-მინისტრ კუბილიუსის პარტიამ "სამშობლოს კავშირი - ლიტვის ქრისტიან-დემოკრატები" ჯერჯერობით მხოლოდ 13,83 პრო-



ცენტის დაგროვება შეძლო. ბარიერის გადალახვა სულ შვიდმა პარტიამ მოახერხა. პარტიას "წესრიგი და სამართლიანობა" 7,88 პროცენტი აქვს, "სითამამის გზას" - 7,62, "ლიბერალებისა და ცენტრის კავშირს" - 7,48 ხოლო "ლიტვის პოლონელების საარჩევნო აქციას" (ეს პარტია პოლონური უმცირესობის უფლებებს იცავს) - 5,58. შრომის პარტიის ლიდერმა, ცნობილმა ლიტველმა ბიზნესმენმა ვიქტორ უსპასკინმა უკვე

განაცხადა, რომ სოციალ-დემოკრატიულმა და პარტიასთან "წესრიგი და სამართლიანობა" უკვე შეთანხმდნენ კოალიციის ფორმირებაზე. არ გამოირიცხება კოალიციაში მეოთხე პარტიის ჩართვა.

ეს ციფრები, შესაძლოა, ოდნავ შეიცვალოს. ამას გარდა, პარტიული სიებით დეპუტატების მხოლოდ ნახევარი - 70 დეპუტატი ირჩევა. პარლამენტის მეორე ნახევარი - 71 მანდატი კი მაჟორიტარულ საარ-

ჩევნო ოლქებზე ნაწილდება. ორ კვირაში იმ ოლქებში, სადაც გამარჯვებული ჯერ არ გამოვლენილა (ასეთი კი უმრავლესობაა) ხმის მიცემის მეორე ტური ჩატარდება. პარლამენტის სრული შემადგენლობა ცნობილი 4 ნოემბერს იქნება.

წინასწარჩვენო კამპანიის ფარგლებში სოციალ-დემოკრატიული პარტიის ლიდერმა აღვირდას ბუტკევიჩუსმა პირობა დადო, რომ მიწმადურ ხელფასს გაზრდიდა, ასევე მდიდრებს გადასახადებს გაუზრდიდა. მისივე გეგმით, ევროზონაში გაერთიანება უნდა ერთი წლით ანუ 2015 წლამდე გადაიდოს. ეს პერიოდი კი მას საშუალებას მისცემს, პარლამენტს დეფიციტური ბიუჯეტი დაამტკიცებინოს, როგორც ევროზონის მიერ არ არის ნებადართული.

მემარცხენე პარტიებმა ასევე პირობა დადეს, რომ გააუმჯობესებენ ურთიერთობას რუსეთის ფედერაციასთან, რომელიც კვლავინდებურად რჩება ლიტვის ერთ-ერთ უმსხვილეს სავაჭრო პარტნიორად.

საპარლამენტო არჩევნების დღეს ლიტვაში რეფერენდუმიც ჩატარდა - ახალი ბირთვული ელექტროსადგურის მშენებლობის შესახებ. წინასწარი შედეგების მიხედვით, მოსახლეობის ორი მესამედი ელექტროსადგურის აშენების წინააღმდეგაა.

მომზადდა
სალომე ჯანიაშვილმა

ბიზნესი

თურქმენეთმა დონორების თვალში სტატუსი აიმაღლა

თინა შავაძე

თურქმენეთს, მსოფლიო ბანკის კლასიფიკაციის მიხედვით, საშუალო შემოსავლის მქონე ქვეყნის სტატუსი მიენიჭა.

მსოფლიო ბანკის ვიცე-პრეზიდენტის ევროპისა და ცენტრალური აზიის რეგიონში, ფილიპ ლე უორის წერილში აღნიშნულია, რომ ასეთი სტატუსის დადგენა განაპირობა მაღალმა მდგრადმა ეკონომიკურმა ზრდამ, რაც ათწლეულზე მეტია,

შენარჩუნებულია. მსოფლიო ბანკის ვიცე-პრეზიდენტის წერილი თურქმენულმა მედიამ გამოაქვეყნა.

მსოფლიო ბანკის ჯგუფსა და თურქმენეთს შორის ამჟამად პარტნიორობის ახალი სტრატეგია მუშავდება.

მსოფლიო ეკონომიკაში ქვეყნების კლასიფიკაციის ერთ-ერთი ყველაზე მნიშვნელოვანი მეთოდია მათი დაყოფა ერთ სულ მოსახლეზე განაწილებული მთლიანი შიდა პროდუქტით. ეს ეკონომიკური მაჩვენებელი მსოფლიო ბანკისთვის



ერთ-ერთი მთავარი კრიტერიუმია ანალიზისა და საკუთარი ეკონომიკური პოლიტიკის ჩამოყალიბების საქმეში.

თითოეული ქვეყანა კლასიფიცირდება, როგორც დაბალი შემოსავლის, საშუალო შემოსავლის და მაღალი შემოსავლის მქონე ეკონომიკის ქვეყნად. კერძოდ, ქვეყანას ამ თუ იმ ჯგუფში ჩარიცხვა საშუალებას აძლევს, საჭიროების შემთხვევაში შეღავათიანი კრედიტი მიიღოს მსოფლიო ბანკისა და სხვა ფინანსური ინსტიტუტებისგან.

ORACLE-ს მესაკუთრე ბიზნესს აფართოვებს

თინა შავაძე

ბიზნესმენმა ლარი ელისონმა, რომელიც ტექნოლოგიურ კომპანია Oracle-ს ფლობს, კომპანია Anschutz Entertainment Group-ის შეძენა გადაწყვიტა, რომლის აქტივებშიც ეროვნული საკალათბურთო ასოციაციის "ლოს-ანჯელეს ლიქერსისა" და ჰოკეის ეროვნული ლიგის "ლოს-ანჯელეს კინგსის" გუნდებია. გარიგების თანხამ შესაძლოა, 10 მილიარდამდე დოლარი შეადგინოს, იუნყება "როიტერი".

ჯერმე უმედეგოდ სცადა სპორტული გუნდების შეძენა, კომპანიის ყიდვა შესაძლებლობას მისცემს, შეიძინოს ეროვნული საფეხბურთო ლიგის გუნდი და ის ლოს-ანჯელესში გადაიყვანოს. ამგვარად, ელისონი ხდება პრეტენდენტი აქტივზე, რომელსაც მეორე ამერიკელი მილიარდერი ფილ ანშუცევი აკონტროლებს.

გასაყიდად გამოტანილი ფირმის შეძენის სურვილი მანამდე რამდენიმე კერძო კომპანიამ და უცხოეთის სახელმწიფო საინვესტიციო ფონდებმაც კი გამოთქვეს. გარიგებაში მონაწილეობა სურდა პატრიკ სუნ-შიონგსაც, რომელიც ლოს-ანჯელე-



სის ყველაზე მდიდარი ადამიანია. მისი თქმით, კომპანიის შეძენა "ცხოვრების ჯანსაღი წესის" უზრუნველყოფის მიზნით გადაწყვიტა.

აღრე გავრცელდა ინფორმაცია, რომ ელისონმა Oracle-ში 4,3 მილიარდი დოლარის ღირებულების საკუთარი აქტივები დაარეგისტრირა, როგორც გირაო შესაძლო კრედიტისთვის. მან მოგვიანებით განაცხადა, რომ მზად არის, კრედიტი იმ შემთხვევისთვის გამოიყენოს, "როცა საყიდლებზე წავა და მას გასაყიდი აქტივები მიიზიდავს". ელისონის მთლიანი ქონება 28 მილიარდ დოლარად არის შეფასებული.

WASHINGTON POST: სახალხო სიმდიდრის მქონე კონგრესმენის კაპიტალი 5 პროცენტით გაიზარდა

თინა შავაძე

Washington Post-მა აშშ-ს კონგრესმენების ქონებრივი მდგომარეობა გამოიკვლია. გავრცელებული მოსაზრებით, კონგრესში მოხვედრას ადამიანის ავტომატურად გამდიდრება არ მოაქვს. კონგრესმენ-

ებს შორის არიან ღარიბები, თუმცა არიან ისეთებიც, რომლებმაც სიმდიდრე მემკვიდრეობით მიიღეს ან წარმატებით დაქორწინდნენ, ამასთან კონგრესმენებს შორის არიან ბიზნესმენები, ბანკირები და ნავთობის ტაიკუნები (მაგნატები). საშუალო ქონების მქონე კონგრესმენები რიგით ამერიკელებზე უფრო



მდიდრები არიან. 2007 წლიდან 2011 წლამდე ამერიკის საშუალო ფენის ქონებრივი მდგომარეობა 39 პროცენტით შემცირდა. ამავე პერიოდში საშუალო სიმდიდრის მქონე კონგრესმენის კაპიტალი 5 პროცენტით გაიზარდა, ხოლო მდიდრებმა თავიანთი ქონებრივი მდგომარეობა 14 პროცენტით გაიუმჯობესეს.

ეროვნულმა ნაკრებმა მინსკის "ტრაქტორზე" ივარჯიშა



საქართველოს ეროვნულმა ნაკრებმა, რომელიც მსოფლიო ჩემპიონატის შესარჩევი ციკლის მორიგ მატჩს მინსკში, ბელარუსის ნაკრების წინააღმდეგ გამართავს, მატჩის წინა დღეს მინსკის "ტრაქტორის" სტადიონზე ივარჯიშა.

"ჯვაროსნები" ბელარუსის დედაქალაქში გუშინ ჩავიდნენ და მთელი დღე აღდგენით პროცედურებს დაუთმეს. ასე რომ, დღევანდელი ვარჯიში პირველი იყო ფინეთთან მატჩის შემდეგ და მან ერთ საათს გასტანა.

ჩვენმა გუნდმა სრული დატვირთვით ივარჯიშა. სასიხარულოა, რომ ყველა ფეხბურთელი ჯანმრთელადაა და მიკროტრავმებიც არ არის.

ვარჯიშის შემდეგ სფფ-ის ოფიციალური ვებგვერდისთვის კომენტარი გააკეთა ეროვნული ნაკრების ნახევარმცველმა **სანდრო კობახიძემ**.

"ფინეთთან თამაშამდე ვინმეს რომ ეთქვა, ქულას აიღებთო, ალბათ, კმაყოფილებიც კი დავრჩებოდით და ნორმალურ შედეგად ჩავგვეთვლებოდა, მაგრამ ამ თამაშში მოვლენები ისე განვითარდა, რომ **ქულა კი არ ავიღეთ, ქულები დავკარგეთ**, რაც ძალიან საწყენია. ასეთ თამაშში გამარჯვების ხელიდან გაშვება კარგი არ არის.

მაგრამ ახლა ფინეთთან თამაში უნდა დავივიწყოთ, რადგან, ჩემი აზრით, წინ უფრო რთული მატჩი გველის და მასზე უნდა მოვახდინოთ სრული კონცენტრაცია. კარგი შანსი გვაქვს, ბელარუსთან წარმატების შემთხვევაში, თამაში განაცხადი გავაკეთოთ ჯგუფში მესამე ადგილის დაკავებაზე.

ბელარუსი სერიოზული, მეტროლი გუნდია და შესარჩევში რომ ჯერჯერობით ყველა მატჩი წააგვს, ეგ არაფერს ნიშნავს. აუცილებლად შეეცდებიან, მთელი ძალით შემოგვიტონ და, სულ მცირე, სწრაფი გოლი გაგვიტანონ. **ჩვენი ამოცანა იქნება, გოლი არ გავუშვათ და ჩვენს შანსს დავულოდოთ, რომელიც აუცილებლად გვექნება**", - აღნიშნა კობახიძემ.

სფფ-ის პრესსამსახური

ანას უქმობა რეიტინგში დაქვეითებდა უჯდება



საქართველოს პირველმა ჩოგანმა ანა ტატიშვილმა ქალთა საჩოგბურთო ასოციაციის (WTA) რეიტინგში ერთი საფეხური დათმო - 1162 ქულით 51-ე ადგილზეა. დიდი აღზობით დაქვეითება კიდევ გაგრძელდება, რადგან მიმდინარე სეზონში ტატიშვილი კორტზე გასვლას აღარ აპირებს.

WTA განახლებულ რეიტინგში ანას წინ ბრიტანელი ჰიზერ უოტსონი აღმოჩნდა, რომელსაც ჩინებული კვირა გამოუვიდა. ბრიტანელმა ოსაკაში 220-ათასიანი ტურნირი მოიგო და 1165 ქულით 50-ე საფეხურზე დამკვიდრდა. ტატიშვილის უახლოესი მდევარი ლაურა რობსონიც ბრიტანელია - 1153 ქულაა.

ზოგადად კი ამავე რეიტინგში ამ ეტაპზე რვა ქართველი გოგოა.

51 (50). ანა ტატიშვილი - 1162; 284 (280). სოფო შაფათავა - 174; 327 (329). მაკა ჩახნაშვილი - 139; 391 (394). სოფო ქვაცაბაია - 98; 456 (456). ეკატერინე გორგოძე - 74; 539 (539). ოქსანა კალაშნიკოვა - 52; 656 (605). ნათია გეგია - 33; 1158 (924). ანი გოგვაძე - 3;

პროფესიონალ ჩოგბურთელთა ასოციაციის (ATP) რეიტინგში სამასეულის სიახლოვეს რჩება ნიკოლოზ ბასილაშვილი. ამჯერად, იგი ორი საფეხურით დაწინაურდა და 143 ქულით 310-ე ადგილზე დამკვიდრდა. ისიც ვთქვათ, რომ გასულ უქმეებზე ბასილაშვილი მოსკოვში "კრემლის თასის" ძირითად ბადეში მოსახვედრად იბრძოდა, მაგრამ მხოლოდ ერთი გამარჯვება იზეიმა, რაც თავის მხრივ მის მონაგარს ქულებს არ დაარიცხავს.

ბასილაშვილის გარდა გარდა, ATP-ს რეიტინგში კიდევ სამი ქართველია: 921 (928) ალექსანდრე მეტრეველი - 11; 1414 (1417). გიორგი ჯავახიშვილი - 2; 1534 (1538). გიორგი ცივაძე - 2;

თავისუფალი ვარდნით კოსმოსიდან

ბაუმგარტნერი სტრატოსფეროდან რეკორდით ჩამოვარდა



მაშინ, როდესაც მსოფლიოს სასოწარკვეთილი ნაწილი სამყაროს დასასრულს ელის, 43 წლის ავსტრიელმა ფელიქს ბაუმგარტნერმა პარაშუტით ყველაზე დიდი ნახტომით ალაპარაკა მსოფლიო. ამ ნახტომისთვის ბევრი არაფერი დასჭირვებია - ხელგაშლილი სპონსორი, ოპერატორების, ტექნიკოსების, ექიმებისა და მკვლევართა მთელი ლეგიონი, ჰელიუმით სავსე უზარმაზარი საჰაერო ბურთი, რომლის მოცულობა 850 ათასი კუბური მეტრი იყო, საგანგებო კაფსულა, სკაფანდრა და თავდადასავლების მაძიებლის მშობელი დედა. რა თქმა უნდა, ყველაფერ ამას უნდა დაემატათ უდიდესი სიმამაცე, რომლის გარეშე ეს ფრენა არ შესრულდებოდა. მსოფლიო რეკორდის დასამყარებლად შეირჩა ნიუ მექსიკოს უდაბნო.

გინა ბურასაშვილი

ისტორია გადაიწერა. ავსტრიელმა პარაშუტისტმა სტრატოსფეროს უკიდევანო სივრცეიდან, დაახლოებით 39 კილომეტრი სიმაღლიდან ნახტომით ბგერის სიჩქარეს გადააჭარბა. ბაუმგარტნერის ფრენას მთელი მსოფლიოს მასშტაბით ონლაინ-ტრანსლაციით 8 მილიონზე მეტი ადამიანი ადევნებდა თვალებს. მოგვიანებით ექსტრემალი გამოტყდა, რეკორდის დამყარება მოსალოდნელზე გაცილებით ძნელი გამოდგა.

ნახტომამდე ბაუმგარტნერმა კონსულტაციები გაიარა ამ საქმის პიონერთან, უფრო სწორად, ძველ რეკორდსმენთან, სამხედრო საჰაერო ძალების ყოფილ ოფიცერთან, 80 წლის ჯო კიტინგერთან, რომელიც 1960 წელს 31.300 კილომეტრი სიმაღლიდან გადმოხტა (კიტინგერის მიზანი ბგერის სიჩქარის გადალახვა იყო, მაგრამ სანადელს ვერ მიაღწია. მხოლოდ 988 კმ. საათი განავითარა). თუმცა, გამოცდილი პარაშუტისტის რჩევა-დარიგებები საკმარისი არ აღმოჩნდა. აფრენის დროს ბაუმგარტნერი მიუთითებდა მუზარადში მომატებულ სითბოზე, თუმცა, თავად კაფსულა და კომბინეზონი საგანგებოდ იყო დამზადებული - 67 გრადუსზე დაბალი ტემპერატურისთვის.

სტრატოსფეროში ასვლის დრომ 2 საათი და 16 წუთი შეადგინა. თავდაპირველი გეგმით, ნახტომი უნდა განხორცი-

ელებულიყო 36 კილომეტრი სიმაღლიდან, რაც ბაუმგარტნერს არასაკმარისად მოეჩვენა. ამიტომ გადაწყვიტა, კაფსულიდან მაშინ გადმოხტარიყო, როდესაც საჰაერო ბურთი 39 კილომეტრ სიმაღლეს მიაღწევდა (ზუსტი მონაცემებით ნახტომი განხორციელდა 39,044,88 კილომეტრ სიმაღლიდან). სასურველ ნიშნულზე მყოფმა 15-წუთიანი ლოდინს შემდეგ კაფსულის კარი გააღო, გარეთ გამოვიდა და ფეხებით ქვევით გადმოხტა. საქმეში ჩახედულთა გამოთვლებით სტრატოსფერიდან ნახტომის შემდეგ 48 წამში, ავსტრიელი მფრინავის სიჩქარემ გადააჭარბა 1193 კმ.საათს (ჩვეულებრივ პირობებში ბგერის სიჩქარეს), მდგომარეობა შეიცვალა და თავდაყირა გააგრძელა ფრენა (მაქსიმალური სიჩქარე, რომელიც ვარდნისას განავითარა ბაუმგარტნერმა ბოლო მონაცემებით შეადგენს საათში 1341,9 კილომეტრს. თავისუფალი ვარდნის სიჩქარემ შეადგინა 4 წუთი და 20 წამი).

პარაშუტი წარმატებით გაიხსნა. ათი წუთის შემდეგ ფელიქს ბაუმგარტნერი, გათვლის თანახმად, ნიუ მექსიკოს უდაბნოში დაჯდა და სამეთვალყურეო ცენტრში შეკრებილებს, რომლებიც ნახტომს აკვირდებოდნენ, ხელების აწევით მიეხალმა. "გვიყვარხარ, ფელიქს!" - ემოციებს ვერ იკავებდნენ იქ მყოფნი. მიწაზე დაშვებიდან რამდენიმე წუთში უკვე სახელოვანი პარაშუტისტი საგანგებოდ ამ ფაქტისთვის ევრო-

პიდან ჩამოსული მშობლებისა და შეყვარებულის გარემოცვაში აღმოჩნდა.

"ბევრად რთული გამოდგა, ვიდრე წარმომეგონა, - თქვა ბაუმგარტნერმა. - დღევანდელი ნახტომი რაღაც განუმეორებელი იყო. განუმეორებელი იყო თავად პროექტიც. კვების ბლოკთან დაკავშირებით თავდაპირველად რაღაც პრობლემები გვექონდა. კაფსულაში გამოსვლამ ბრწყინვალედ ჩაიარა, მერე ნელ-ნელა დავიწყებ ბრუნვა. მეგონა, რომ ეს დიდხანს არ გაგრძელდებოდა, მაგრამ მერე ბრუნვის სიჩქარემ იმატა. რთული მომენტი იყო. რამდენიმე წამის განმავლობაში იმაზეც კი ვფიქრობდი, რომ გონება დავკარგე. ბგერით დარტყმას ვერ ვგრძნობდი, რადგან ყურადღება გადატანილი მქონდა საკუთარი მდგომარეობის განონასწორებაზე...

ხანდახან მართლა ძალიან მალა უნდა ახვიდე, რომ შეიტყო, რამდენად პატარა ხარ".

ატმოსფეროს ზედა ფენებიდან გადმოხტომათა უწინდელმა რეკორდსმენმა ჯო კიტინგერმა მიმდევრისთვის საქებარი სიტყვებით, პარაშუტისტი ფელიქსმა შესანიშნავად იმუშავა. ჩემთვის დიდი პატივი იყო ამ მამაც ბიჭთან მუშაობა".

კოსმონავტიკის საერთაშორისო ფედერაციის სპეციალისტის, ბრაინ უტლის წინასწარი მონაცემებით, პარაშუტისტი ატმოსფეროში შემოიჭრა სიჩქარით 373 მეტრი/წამში.

ფელიქს ბაუმგარტნერმა თავისი ნახტომი საგანგებოდ მიუძღვნა ლეგენდარული ამერიკელი მფრინავ-გამომცდელის ჩარლზ იეგერის გაფრენიდან 65 წლისთავს (ჩარლზ იეგერი - აშშ-ის სამხედრო-საჰაერო ძალების გენერალი. 1947 წლის 14 ოქტომბერს იეგერი თვითმფრინავ Bell X-1-ით გახდა პირველი ადამიანი, რომელმაც ჰორიზონტალური ფრენით გადააჭარბა ბგერით სიჩქარეს. ამასთან, დიდი წვლილი მიუძღვის აშშ-ის სამხედრო ავიაციისა და კოსმო-

ნავტიკის განვითარებაში. მისი საავიაციო კარიერა 60 წელზე მეტს ითვლის. ამ ხნის განმავლობაში ის იყო დედამიწის სხვადასხვა კუთხეში, მათ შორის, ცივი ომის დროს საბჭოთა კავშირში). ამასთან, უტლი ირწმუნება, რომ ბაუმგარტნერის ნახტომმა ერთბაშად სამი მსოფლიოს რეკორდი დაამხო: ყველაზე ხანგრძლივი თავისუფალი ფრენა, ნახტომი ყველაზე მაღალი ნიშნულიდან და ყველაზე სწრაფი ფრენა.

...ვერტმფრენის მფრინავი ფელიქს ბაუმგარტნერი დაიბადა ავსტრიაში. 16 წლის ასაკიდან გაიტაცა პარაშუტიდან სპორტით. 1990-იან წლებში გაიტაცა ბეისჯამფინგმა - ხტებოდა არა თვითმფრინავიდან ან შევულმფრენიდან, არამედ მაღალი წერტილებიდან - მთებიდან ან ხიდეებიდან. მის აქტივობა ნახტომი კულა-ლუმპურის "პეტრონასის" ცათამბჯენიდან, რიო დე ჟანეიროს ქრისტეს ქანდაკებიდან. იესოს ქანდაკებიდან გადმოხტომის ორგანიზატორმა შტეფან აუფ-შნაიტერმა ბაუმგარტნერი მოიხსენია როგორც "მსოფლიოს ყველაზე შემოქმედითელი ბეისჯამფერი".

"როგორც წესი, ასეთი ნახტომები უპირაინა 50-60 მეტრიდან და არა 30-დან, როგორც ეს იყო რიოში", - ამბობს აუფშნაიტერი. ბაუმგარტნერმა სპეციალური კარბონის ფრთებით გადაუფრინა პა-დე-კალეს ყურესაც (ყურე მდებარეობს დიდ ბრიტანეთსა და ევროპის მატერიკის ნაწილს შორის).

"სრულიად მარტო ხარ. არსებობ მხოლოდ შენ, შენი აღჭურვილობა, შენი ფრთები და შენი ცოდნა", - ყურეს თავზე გადაფრენის შემდეგ ამბობდა ბაუმგარტნერი.

თითოეული გაფრენისა თუ ნახტომისთვის პარაშუტისტი საგანგებოდ ემზადება. ამ ყველაფრის უკან კი დგას მისი დიდი მხარდამჭერი "რედ ბული".